



UNIVERSITÄTS-
BIBLIOTHEK
PADERBORN

Universitätsbibliothek Paderborn

Illvstrivm Miracvlorvm Et Historiarvm Memorabilivm Lib. XII

Caesarius <Heisterbacensis>

Antverpiae, 1605

Quare B. Thomas Cantuariensis plus caeteris martyribus miraculis
coruscet, cap. 69.

urn:nbn:de:hbz:466:1-13177

talium triumphas indignentur, dicam tibi, quod monachus quidam de Bruwilre mihi recitauit.

CAPVT LXVIII.

QVando ecclesiam suam monachi iam dicti cenobij ampliari disposuerunt, per quosdam sacerdotes seculares, in lingua potentes, & ad emungendum pecunias efficaces, dentem patroni sui beati pontificis Nicolai, ad diuersas transmiserunt prouincias: erat autem crystallo inclusus. Die quadam, cum prædicatores conductitij inhonestè se gerendo, vas tantarum reliquiarum circumferrent, crystalus crepuit, ac si illorum blasphemias pontifex reuerendissimus sustinere non posset. Quo miraculo viso, monachi dentem retulerunt, neque ad tale opus ultra eum de monasterio efferri passi sunt. Ego rupturam eius crystalli vidi. **A P O L L O N I V S:** Quid est quòd quidam martyres alijs maiora signa faciunt post mortem: estne hoc ex aliqua eminentia sanctitatis? **CÆSARIVS:** Sicut superius dixi, miracula non sunt de substantia meriti, sed signa sanctitatis: quidam sancti in vita sua multa signa faciunt, & post mortem quiescunt; alij econuerso, quia nulla sanctitatis suæ indicia in mundo dederunt, post mortem miraculis clarescunt.

CAPVT LXIX.

BEatus Thomas Episcopus Cantuariensis, qui nostris tēporibus pro ecclesiæ libertate vsque ad mortem dimicauit, nullis miraculis in suis persecutionibus coruscavit, satisque de illo post occisionem disputatum est: quidam dixerunt eum damnatum, vt regni proditorem; alij martyrem, vti ecclesiæ defensorem. Eadem quæstio Parisijs inter magistros ventilata est: nam magister Rogerus, iurauit illum dignum fuisse morte, etsi non tali, beati viri constantiam, iudicans contumaciam. Econtra magister Petrus Cantor iurauit esse martyrem Deo dignum, vtpote pro libertate ecclesiæ trucidatū. Quorū quæstionem Christus soluit, cum multis & magnis illum signis glorificauit. Nō ideo tamē Apostolis, siue alijs

*li. 6. c. 5.
& l. 8.
cap. 53.*

*Cur SS.
aliqui
tantum
post mortem
miraculis
clarescāt*

518 DE DIVERSIS VISIONIBVS

*Reli-
quias fal-
sas pro
veris ve-
nerantes
ex igno-
rantia, nō
peccare
sed me-
geri.*

magnis martyribus in meritis præferendus est, qui tanta, & tam crebra miracula post mortem fecisse nō leguntur. Simile habes de sancto Anone Colonienſi Archiepiſ. cui cū post mortem multi detraherent, dicentes eum eccleſiarum fuiſſe diſſembratore, & ciuium ſuorum excœcatorem, Dominus Deus in tranſlatione illius, quantæ ſanctitatis eſſet, ſignis plurimis ostendit. APOLLONIVS: Probabile eſt quod dicis, ſed aliud eſt quod me mouet. Sepe contingit, vt pro reliquiis ſanctorum aliæ res habeantur, & pro veris falſa venerentur: videntur tibi huiuſmodi veneratores peccare, an mereri? CAESARIVS: Meo iudicio, ignorantia in talibus excuſat culpam, pietatis meretur gratiam: hoc verum eſſe, certum eſt, quia quādoque Dominus per falſas reliquias ad honorem ſanctorum, quibus adſcribuntur, & fide honorantibus illos, miracula operatur. Verbi gratia.

CAPVT LXX.

Miles quidam prædictum martyrem beatum Thomam Cantuarienſem ardentiffimè diligēs, ſi aliquid de illius poſſet habere reliquias circumquaque inueſtigauit: hoc cū auდიſſet quidam dolofus ſacerdos, in cuius domo hoſpitabatur, ait illi: Ego frenum, quo diu vſus eſt beatus Thomas, penes me habeo, & ſæpe virtutes eius expertus ſum. Quod miles audiens, & ita eſſe putans, ſacerdoti pecuniam poſtulatam lætus obtulit, & frenum cū multa deuotione recepit: Deus verò, cui nihil eſt impoſſibile, fidem militis remunerare volēs, ad honorem ſui martyris multa per idem frenum facere dignatus eſt miracula; quod miles conſiderans, in honore martyris eccleſiam cōdidit, loco reliquiarum frenum ſacerdotis peſſimi in ea reponens. Hic ſit finis de viſionibus martyrum, quia compendio vti volens, ad ordinem feſtino confefſorum. APOLLONIVS: Qui ſint confefſores, & quare ſic dicti, mihi edicito, poſtea viſiones ſubjungas.

CAPVT